

欽定剿平粵匪方略

欽定剿平粵匪方略卷二百二十七 己未年

十一月初一日

丙寅

翁同書奏冒桐城縣東鄉沿

江一帶及周家潭等處經州同疏長庚等集團
禦賊保衛居民本年七月間安慶逆匪合股數
萬竄撲該員等督率團練會同水師把總馬步
雲等帶勇迎擊轉戰五晝夜斃賊數千斬僞丞
相汪侍澤等二名九月十一日縱陽賊匪竄至

該鄉桂家壩地方疏長庚等會同馬步雲等兜
勦陣斃逆匪三百餘名生擒逆首遇天豫林侍
達等十一名訊明正法該員等僻處江濱四面
賊圍竟能整頓團練聯絡水師屢挫兇鋒擒渠
殲賊殊堪嘉尙可否將江蘇儘先州同疏長庚
等分別鼓勵出自

天恩奏入

上諭內閣曰安徽桐城縣東鄉沿江一帶及周家潭等處經州同疏長庚等集團破賊深堪嘉尙疏長庚著以知州升用教諭慈沛霖著以知縣卽選把總馬步雲李恩元均著以千總升用並賞戴藍翎

同日周天受奏言十月十二日江北金柱關各路之賊糾合蕪湖逆黨由青山等處進犯黃池防軍力戰相持總兵蕭知音督軍援應頗有斬

擒詎料十三十六等日賊復增股進犯亭頭三里埂等處烏溪另股之賊亦由陸路直竄黃池併黨合圍勢極兇悍官軍衆寡不敵以致營盤不守蕭知音退至新豐鎮臣驟聞此警憤恨填膺現在賊正狻獬兵力又薄別路援軍急切難至且黃池旣失則潛沚亦屬可慮現在飛咨通政使張芾浙江巡撫羅遵殿於徽浙兩處加派

勁旅前來援勦一面嚴督將士剋日進取黃池
其郡城防守事宜已疊囑署皖南道福咸等督
同在城文武妥爲布置廣東高州鎮總兵蕭知
音以專閫大員不能悉力堵勦實屬督率無方
應請

旨卽行革職仍留軍營效力其失事各員並傷亡員弁
容俟臣查明具奏分別辦理奏八

上命軍機大臣傳諭和春張國樑李若珠曰此股逆匪勢極猖獗黃池旣失則濟沚亦屬可慮周天受現雖咨調官兵進剿尙恐賊衆兵單不足以資抵禦羅遵殿所派兵勇亦恐緩不濟急著和春等酌撥勁旅協力援應務將該匪悉數剿除毋令蔓延

上諭內閣曰江北金柱關各路賊匪糾合蕪湖逆黨進犯黃池高州鎮總兵蕭知音督軍援應不能悉力堵

勦致令防所失陷實屬督率無方著卽行革職仍留軍營責令帶兵勦賊以觀後效其失事各員並傷亡員弁著周天受查明分別辦理

初四日己和春奏言十月十九日逆黨數千竄

偪秣陵關當派總兵王浚帶兵馳赴堵擊賊匪
屬集距關二十餘里之陶吳鎮聯營築壘並有
大股由博望等處竄至溧水縣屬之紅藍埠留

防總兵魯占鼈飛稟乞援臣與張國樑會商調
總兵馮子材由瓜州馳往溧水高淳一帶堵剿
一面飭令王浚務將陶吳逆壘迅速掃除二十
二日王浚派副將陳步高等分路進攻王浚督
率各員從煙燄中指揮奪壘連殲悍逆數十名
餘衆奔潰官軍追至朱門始行收隊砍取首級
六百餘顆生擒賊匪五十餘名陣斬僞丞相孫

瑞亨等十餘名陶吳逆壘悉數踏平十二月二
十一日西路小店高旺等處逆匪二萬餘人糾
合江浦匪黨撲官兵營盤副將滕嗣林等嚴守
營牆連開大礮提督周天培督副將馬承恩等
馳往前後夾擊斃賊甚多鏖戰三時逆勢稍卻
退紮梁山另以大股撲犯都司邱建翔營盤總
兵張玉良自江浦聞報親率小隊接應賊始敗

潰是夜逆匪築壘二十餘座二十二日經滕嗣
林等分段進剿焚燬賊卡二重斃賊數百名餘
匪各竄回巢現在秣陵收復賊已望風膽喪高
淳溧水一帶賊匪大半竄向小丹陽博望而去
張國樑於二十四日渡江親赴江浦督同周天
培等嚴行堵剿仍囑提督鄭魁士等扼守高淳
東壩至揚州西路之賊屢經懲創復由六合添

調逆黨數千分踞甘泉山司徒廟觀音山等處
駸駸下竄十月十七日提督李若珠等督兵三
路齊進攻撲觀音山賊營殺賊四百餘名十八
日參將艾得勝於五臺山西岸連築兩營該逆
離巢衝突悉被擊回其六合紅山窩屯匪屢經
副將會秉忠等開礮轟擊斃賊多名毀平白廟
逆營二座仍飭李若珠等督率水陸將弁設法

進勦迅掃逆氛奏入報

初九日

甲戌

張芾奏言青陽另股逆匪蔓延涇界

經臣三次撥隊回援近探黃池營陷查村之匪

復犯焦石埠鄰警加緊不能不亟籌援應所慮
臨敵撤軍徵調不已未挽甯防之危局而徵防
已戰守兩窮郭村夏村攻勦又未免鬆勁且聞

池州逆首已向水營獻城納款果爾則青陽建
德踞匪窮無所歸必至駸駸內犯兵單賊衆嶺
防尤屬可慮已革道員吳坤修軍行兩月甫報
入境升用知府丁峻彰武奇兵兩營尙無到防
之信現飭吳坤修迅赴焦村歸江長貴調度並
嚴催丁峻剋日拔隊來徽以資分布奏入報

十一日丙子兩江總督何桂清江蘇巡撫徐有壬

奏言原任湖北提督向榮自粵逆起事以來轉戰數千里所至有功咸豐三年賊竄金陵向榮馳至三日之內連破賊營三十餘座鎮江之賊不敢下竄丹陽繼分兵扼鎮郡之京峴山蘇常賴以無恐四年賊犯高淳東壩五年陷徽州竄甯國六年復踞甯國犯衢郡向榮派兵援應屢

遇兇鋒六年援兵四出金陵逆首悉率醜類乘
我空虛向榮寡不敵衆始退守丹陽猶復力疾
督師防勦心力交瘁遂至不起業荷

恩施優予卹典並

賞給世職仰見

聖主篤念蓋臣有加無已而江蘇紳民至今感德不忘
屢有崇祀名宦祠之請可否籲懇

天恩俯准將該故提督入祀江蘇名宦祠以光祀典奏
八

上諭內閣曰原任湖北提督向榮久歷戎行素嫻韜略
咸豐三年由廣西追賊轉戰數千里備歷艱辛迄駐
兵攻剿金陵屢遏兇鋒實爲東南保障業經優予卹
典並賞給世職茲據何桂清等奏稱該省紳民屢請
入祀名宦祠該故提督督師江左數載勤勞實能爲

民禦災捍患著准其入祀江蘇名宦祠以彰忠蓋而
順輿情

十二日丁丑和春奏言逆匪陳玉城糾率死黨裹

脅難民不下十餘萬衆由天長六合窺伺江浦
軍營十月二十二日周天培派副將滕嗣林等
乘其不備殺賊甚多該逆復於江浦南北兩岸
築壘二十四日張國樑督同總兵張玉良帶領

兵勇力據要衝派副將賴鎮海督率艇師攻擣
壽德州賊壘直薄隔口擊沈逆船數隻逆營一
座礮隄三座同時踏毀二十七日大股賊匪約
數萬衆撲營甚急周天培傳令各出六成隊伍
併力援勦賊勢稍卻另股分抄後路各營我兵
衆寡不敵以致全軍失利周天培裹創血戰力
竭陣亡將弁兵勇傷亡頗多張國樑聞警督兵

馳援始將逆隊擊回臣當派總兵馮子材帶兵
三千人由三汊河馳往江浦聽候張國樑調遣
現在江浦九里山一帶逆營縣互三面環伺偏
我縣城非分據要害堵剿兼施不足挽回全局
所幸各營士氣頗壯無不憤切同仇仍當激勵
軍心設法進剿陣亡之署湖北提督周天培身
經百戰忠勇軼倫一旦捐軀效命痛惜尤深合

無仰懇

天恩飭部從優議卹以慰忠魂臣與張國樑未能先事豫防實屬咎有應得並請交部議處再池州賊目章志俊獻城投誠其所部之衆已由李成謀帶赴楊載福水營聽候安插奏入

上命軍機大臣傳諭和春張國樑李若珠曰逆匪糾黨屢撲江浦官軍營盤周天培全軍失利力竭陣亡現

在江浦九里山一帶逆營綿亙三面環伺偏我縣城
情形萬分緊急張國樑已督同張玉良等渡江馳援
頗有斬馘並經和春派馮子材帶兵馳往聽候張國
樑調遣著和春等激勵將士先將九里山一帶逆營
層層掃蕩以期攻復浦口免致蔓延賊目韋志俊投
誠獻出池州其所部之衆已由李成謀帶赴楊載福
水營聽候安插該義勇自拔來歸志堪嘉尙惟所部

之衆人數自必不少其如何妥爲安插及籌計口糧等事該大臣務當與官文等妥商辦理不可稍涉大意

上諭內閣曰皖北粵逆糾黨屢撲浦口大營提督周天培派兵迎擊殺賊甚多並經張國樑派撥兵勇前往援應詎以賊勢過重官兵衆寡不敵致周天培力竭陣亡營盤失陷現經張國樑親自馳赴江浦截擊著

卽督飭將士實力扼剿務將下竄逆匪悉數殲除欽
差大臣江甯將軍和春幫辦軍務江南提督張國樞
於逆賊竄擾未能先事豫防實有應得之咎均著交
部議處

上又諭內閣曰湖北提督周天培隨同和春等攻勦金
陵逆匪屢摧大敵上年賊竄浙省該員帶兵赴援由
金華節節進剿連克永康武義縉雲宜平等處城池

追逆賊竄閩復會同周天受等統兵追勦直抵延平
所向皆捷並將浦城建陽等城池克復實屬戰功卓
著茲以扼剿浦口竄匪衆寡不敵力竭陣亡殊堪憫
惻周天培著照提督陣亡例從優賜卹以慰忠魂

和春又奏言水師總兵周希濂等探聞瓜埠等
處賊紮木簞數十座意圖南犯周希濂派遊擊
王之敬等管駕快艇於十月二十一日駛近內

河先將絳索砍斷牽帶回營拋射火箭燃燒賊
船該逆紛紛驚潰溺斃尤衆二十三日曾秉忠
等進攻紅山窰逆巢轟斃賊匪無算當將該處
浮橋拆毀另派艇船停泊駐守官軍徑趨瓜埠
踏平賊營七座紅山窰瓜埠之賊一律肅清儀
徵泗源溝一帶亦經遊擊彭常宣帶兵扼守屢
挫逆氛該逆退踞銅山地方惟大股尙踞揚城

聞

西北逆情詭譎飄忽難防現商李若珠等激勵
將弁奮勇進攻以期迅速掃蕩奏入報

十四日己卯翁同書奏言潛山縣城久爲賊踞該

縣知縣葉兆蘭帶勇於白雲山龍井關等處嚴
密扼堵十月初三日該逆大股由龍井關分路
撲營文生葉梓材督勇出擊力戰四時賊勢稍

卻詎料大股賊匪一由桐城之分水嶺一由舒城之駝嶺包抄營後會合撲營之賊四面合圍葉梓材孤軍無援突圍而出該逆遂肆行焚掠復探知潛山城賊欲由水吼嶺一帶竄撲葉兆蘭卽於初四至初六等日督勇駐紮牛肩嶺分路設伏將板舍及夾竹河分抄之賊痛勦斃賊千餘名生擒四十三名其城內竄出之賊經牛

肩嶺營勇於白水灣併力擊退十四日賊復竄
入龍山大隊由踏兒嶺議擁而來各營力戰槍
礮齊施該逆潰退追至嶺下我軍先於該處設
伏賊至奮擊殲斃三百餘名生擒十三名解散
匪黨數百人龍山賊匪知踏兒嶺股匪敗潰其
氣已奪由閒道遁去仍當督飭官軍相機防剿
以期攻復縣城奏入報

聞

十五日庚辰張芾奏言賊匪分踞太平縣郭村石

埭縣夏村節經臣激勵將士晝夜環攻十月二十五日總兵江長貴督兵由穰嶺進發並分兵襲破郭村頭卡悉殲其眾總兵米興朝亦派兵出奇嶺會於宏潭賊眾驚懼江長貴親率將士轉戰而前直偏二卡副將王恩榮等首先攻入

知府蘇式敬等繼之卽將觀音堂一帶賊卡平
毀適知縣劉錫祐亦派紳團來會賊匪且拒且
走江長貴揮軍勦洗伏屍盈路二十七日當將
郭村克復米興朝聞郭村已復卽飭袁國祥等
乘夜進取夏村署池州府徐本璿等督團助戰
賊大驚亂奪路狂奔夏村亦卽克復餘匪遁入
青陽現經臣派撥兵勇馳往涇縣先將徽甯兩

防賊匪廓清以便分軍進圖嶺外所有出力之
候補提督署皖南鎮總兵江長貴福建汀州鎮
總兵米興朝均係專閫大員應如何分別

加恩之處恭候

聖裁其戰功尤著之副將楊名聲等先行開列額懇
恩施奏入

上諭內閣曰此次官軍連克太平縣郭村石埭縣夏村

賊巢勦辦洵屬得手候補提督署皖南鎮總兵江長
貴著交部從優議敘福建汀州鎮總兵米興朝著遇
有提督缺出由軍機處提奏其單開之副將楊名聲
著俟補缺後以總兵用記名知府蘇式敬著俟補缺
後以道員升用參將劉仁福著免補參將以副將儘
先補用遊擊袁國祥著免補遊擊以參將儘先補用
並賞加副將銜儘先都司江長泰著賞給資勇巴圖

魯名號並賞加遊擊銜其餘出力及陣亡員弁兵勇著張芾查明分別奏請獎卹

張芾又奏言已革道員吳坤修於十月二十六日帶所部團防營來徽臣接見該員知其久歷戎行當令馳赴焦村適我軍已攻克賊巢復令暫紮郭村以顧黔祁一路俟甯國解嚴再行派隊會攻建德奏入報

十九日甲申周天受奏言臣前以烏溪黃池相繼

不守必須堵勦兼施親駐竹塘相機布置而涇

縣之焦石埠忽又報警十月二十一日查村包

村之賊乘我營壘未成遙擁而至臣於竹塘抽

調兵勇馳援行抵包村賊卽出卡拒敵我軍奮

力攻撲賊乃奔潰乘勢掩殺踏毀賊營兩座斃

賊極多十一月初一日查村之賊復出撲官軍
營盤吳正熙黃金友等敗之賊遁踞余村初二
日復敗賊於章家渡等處各村踞匪多向水南
都敗走其黃池烏溪踞匪聞我軍進偏意圖退
竄初六日參將周天孚等軍整隊河干賊見卽
逃我軍追殺數里斃賊多名臣現移兵進紮橫
岡橋並准浙江撫臣羅遵殿派兵赴黃池援勦

聞

再調總兵李定太親帶勁旅馳赴皖浙交界會
同埽蕩奏入報

周天受又奏言賊犯涇縣所屬之南山嶺副將
石玉龍力戰陣亡浙江補用參將陶寶登突圍
而出未能救援主將都司王得勝徐福各自奔
潰以致賊勢猖獗相應請

旨將陶寶登摘去頂戴王得勝徐福均革職留營以觀
後效奏入

上從之

二十一日

丙戌

浙江巡撫羅遵殿奏言刻下徽防

之警稍紓張芾飭署皖南鎮總兵江長貴移師
涇太援應甯防而池州逆首韋志俊已於水師
提臣楊載福軍前獻城納款所有青陽建德各

路踞匪雖無外援不能不防其內犯其甯防烏
溪黃池之賊經署湖南提臣周天受於竹塘新
河莊兩路力扼兇鋒並經浙江提臣鄭魁士於
水陽雙橋渡等處派軍駐紮而建平爲浙江全
省門戶防守空虛臣前調衢防知府陳炳元遊
擊楊家正兩軍已飭赴廣德建平一帶連營扼
守蓋以目前皖浙情形而論必得先固內防方

可以言外勦現聞侍郎曾國藩已統帶陸路官兵直搗安慶湖北撫臣胡林翼駐紮於楚皖交界爲後路策應該逆不能託足於皖北必將逞志於皖南軍務更形喫重查周天受江長貴兩軍在皖南防勦最久均屬有用之師惟甯防官軍大半係前提臣鄧紹良舊部久染軍營習氣鄭魁士力求整頓而督防未久周天受甫抵甯

防軍情屢變數月來尙無暇簡練因思周天受
自赴徽甯以來事事稟承張芾此時甯防喫緊
必得張芾親往視師方足力挽舊習內防旣固
然後徽州之師可以進取青陽建德甯國之師
可以規復黃池烏溪再圖蕪太至皖南各屬地
漕等項應卽由張芾督飭該道府實力催提以
濟軍需此後克復一城卽有一城之布置兩江

督臣統轄三省未能專顧一隅安徽撫臣遠在
江北鞭長莫及臣係皖人祇能與聞軍務不能
兼治地方是將來善後事宜亦必以張芾獨任
仔肩方無貽誤臣擬請將皖南四府一州地方
軍務及一切地漕等項均歸張芾督辦以一事
權至於甯國軍務周天受雖得專摺奏事亦應
張芾會列銜名再張芾本駐徽州此後統轄皖

南或移紮於徽甯適中之地或往來於徽甯之
閒應聽自行酌辦合無仰懇

天恩飭下張芾遵照辦理則皖南幸甚奏入

上命軍機大臣傳諭張芾羅遵殿曰皖南五屬介在江
南恐巡撫不能兼顧是以前議加該道按察使銜准
其奏事所有各府州地漕自應責成該道經理張芾
在徽州督兵日久卽著督飭該道認真催提以期接

濟軍餉張芾坐鎮徽州恃該處山川險阻故得力遏賊鋒至徽甯之間若無堅城可守未便率行移動或往來於徽甯之間似尙可行著張芾酌度情形具奏嗣後皖南軍務著張芾與周天受會銜具奏如有不及會銜之處仍准周天受單銜具奏甯防官兵沾染軍營習氣鄭魁士督防未久不及整頓卽著周天受力加訓練俾成勁旅將弁中如有不知振作兼染惡

習之人並著張芾隨時查訪會同周天受參奏以肅戎行

上諭內閣曰所有皖南四府一州地方軍務均著張芾督辦其甯國一軍自周天受以下俱歸節制至各屬地漕等項並著張芾督飭皖南道實心經理

二十四日己丑和春奏言江浦一城賊所必爭張

國樑先派都司戴佐英率精銳五百人前往助

守逆酋陳玉城糾集死黨依山結壘三面環偏
官軍營盤張國樑當派總兵馮子材等分兵夾
擊十一月初六日卯刻直趨逆壘正欲踰溝而
入該逆聞聲驚起擁出悍賊數千扼險抗拒張
國樑揮令馮子材等兩路會攻殪賊數百名餘
皆鼠竄副將向奎等直薄外濠逆衆回巢死守
穴放槍礮我師三卻三進未刻始行收隊是夜

傳令各兵持草一束秣馬蓐食鼓勇再攻初七日總兵張玉良等仍率所部分投撲剿該逆糾浦口老賊四五千環伏濠溝分守隘卡而以騎馬逆目驅率步隊緊遏要衝鏖戰約兩時許張國樑揚旆一麾兵勇冒煙直入擲草填濠詎逆壘礮石如雨且山勢敬斜並無立足之地千總包廷相登時陣亡張國樑見賊勢正盛一時萬

難仰攻不能不儲養精銳以圖再舉因飭戴佐英嚴督兵勇將求雨山營盤浚深培厚添派勁旅守護一面派令張玉良帶兵一千入城督同副將賴鎮海等分別布置旋見山北逆匪潛築營卡多座設礮晝夜轟城並於卡後開挖地道十一日張玉良密派都司金安邦等會同賴鎮海所部乘夜縋城擲放噴筒火箭燃燒木卡賊

匪不及迎拒當將逆壘踏平填塞地道共斃賊
百餘名現在江浦一軍防守已固南岸設有緩
急張國樑朝發夕至仍可往來兼顧不致有衝
突之虞一俟江北稍定卽當相機進攻規復堅
城仰紓

宵旰千總包廷相臨陣捐軀實堪憫惜應請
飭部從優議卹奏入

上諭內閣曰此次浦口逆匪竄偏江浦縣城經提督張國樑等督兵守禦將逆壘踏平填塞地道斃賊百餘名勦辦尙屬得手仍著和春張國樑督飭在事文武奮力攻勦毋稍疏懈陣亡千總包廷相著交部從優議卹

和春又奏言查明十月二十七日浦口逆匪乘夜撲犯營盤官軍失利提督周天培陣亡所有

三十一
隨同攻剿之員或失守營盤或救護不力雖因
時值深夜賊勢過衆所致究屬咎無可辭准張
國樑將參將陶茂森等開單前來相應據實分
別奏參以示懲儆奏入

上諭內閣曰十月二十七日浦口逆匪分撲官軍營盤
雖時值深夜賊勢過衆而隨剿各員未能先事豫防
以致主將陣亡官軍失利均屬咎無可辭參將陶茂

森外委朱正華守備曾玉龍均著卽行革職都司曾
庚福蘇如松均著暫行革職滕嗣林守備周伯雲千
總陳昌達張得祿守備王運新均著摘去頂戴以上
各員均著仍留軍營勦賊以觀後效儻再不知奮勉
卽著從嚴叅辦

和春又奏言揚州西北觀音山一帶逆匪於十
月二十五六等日擁衆撲城均經官兵擊退二

十七日該逆復由瓦窰埠乘夜竄犯旁掠五臺山等處提督李若珠督飭將弁分路擊回十一月初一至初三等日該提督會同馬德昭督兵抄擊斃賊甚多所有西北甘泉山一帶賊營全行踏毀現仍激勵將弁節節進剿速掃逆氛並將水陸要隘實力嚴防以杜回竄奏入報

同日官文胡林翼奏言副將銜儘先補用參將
黃澤遠先隨羅澤南帶勇勦賊復從李續賓轉
戰數年屢著戰功上年攻勦九江身受重傷猶
復力戰不退卽將城池克復洵爲將領中不可
多得之員茲在安徽東流行營病故殊堪憫惜
相應請

旨飭部將該故員照立功後軍營病故例從優議卹出

自

恩施奏入

上諭內閣曰副將銜儘先補用參將黃澤遠屢著戰功
在營病故殊堪憫惜著照立功後軍營病故例從優
議卹

同日

上命軍機大臣傳諭官文胡林翼曰前據和春奏池州

逆首韋志俊投誠效順獻山城池所部之衆已由總
兵李成謀等帶赴楊載福水營安插並設法防守池
州各情曾經寄諭和春將如何安插及籌計口糧等
事與官文等妥商辦理韋志俊占踞池州爲日已久
竟能洗心革面自拔來歸志堪嘉尙將來楚軍東征
皖匪正可藉壯聲勢惟所部人數衆多一切安插事
宜著官文等妥籌迅速具奏

二十六日

辛卯

曹澍鍾奏言查慶遠趨思恩道路

以懷遠鎮爲總口九月二十二日以後逆匪竄
撲懷遠鎮六合墟天河等處經各國擊敗遁回
羅城慶遠柳城一帶挑濠築壘負隅抗拒其意
實仍專注四川蓋以川省春收最早可圖隨地
得食也茲就廣西軍情而論該逆現分數起各
擁衆數萬劉長佑全部計勇僅八千餘名蕭啟

江一軍又准曾國藩來咨催其援皖甚急臣與
司道熟籌蕭啟江在粵恐未能剋期竣事若旋
軍回鄂曾國藩可以卽日東征自應准其回楚
聽候曾國藩調遣惟劉長佑自永福進兵率師
深入軍務繁重襄辦需員查有署鹽道蘇鳳文
曉暢戎機熟悉地利擬卽飭赴劉長佑行營共
籌一切至賊匪飄忽無常能否將該匪聚殲於

粵臣誠不敢逆料惟有殫竭心力飭令劉長佑等督率兵練實力進攻速殲醜類奏入

上命軍機大臣傳諭駱秉章曹澍鍾曰逆匪竄撲懷遠鎮天河等處經各團擊退敗回羅城慶遠柳城一帶挑濠築壘意圖負隅其意仍欲奔黔竄伺川省田興恕一軍已諭令擇要防剿迎頭截擊自可嚴扼賊匪奔黔之路至蕭啟江一軍正與劉長佑會合進兵雖

經會國藩調回催令赴鄂惟廣西兵力較單防剿正當喫緊仍著駱秉章曹澍鍾酌量情形是否堪以暫留並接濟兵餉使其追剿石逆以固川省邊防昨據曾望顏奏滇黔逆匪分竄敘郡等處川省兵力難支儘石逆再由黔窺蜀田興恕一軍扼要防剿恐其兵力尙單曹澍鍾仍須偵探賊蹤督飭諸軍撓剿以期聚而殲旃

同日略秉章奏言江華賊匪何汝彪等分竄楚
粵邊界經臣飭令直隸州知州黃淳熙副將陳
品南疊次痛剿何汝彪猶敢同揆江藍廳城黃
淳熙等趕援立解重圍攻克馬頭鋪等寨十餘
處何汝彪敗竄藍山首逆賴姓復竄入江藍廳
城南之高村地方黃淳熙等同軍擊之知府陳
士杰同知魏喻義等各率所部追剿何逆由九

巖洞至小源山一帶翻山而進連獲大勝生擒
何汶彪於簸箕山高村賴逆復走踞楚粵交界
之牛尾嶺踞險自固黃瀆熙等各軍縋險進攻
屢戰皆捷破入賊巢焚燒木柵斃賊無算其冒
火衝出及分竄山谷之賊復爲各勇截擊擒斬
殆盡查逆目何汶彪與首逆賴蘋新不睦自抵
道州後卽分竄粵西四月內賴逆攻陷東安復

繞竄全州者據賊中僞文乃因追何汝彪之故
蓋何逆所屬賊衆二萬餘雖爲賴逆右四旗大
軍略而其勢力固足相當賴逆恐失其助也嗣
因石逆急圖寶慶調賴逆由新甯武岡會撲郡
城何汝彪遂留粵西時出沒楚粵邊界比石逆
賴逆敗竄粵西何逆復圖由江藍聽藍山竄合
廣東諸賊以擾江西是何逆之圖竄兩粵邊界

者意在避賴逆賴逆之同竄湖南邊界者意在
追何逆以賊蹤賊情言之似高村賊目之爲賴
蘋新本有可信卽連州獲賊口供亦稱賴剝皮
已入此股賴剝皮卽賴逆綽號也惟高村股匪
全數焚斃屍骸已成灰燼無從質認此股逆首
雖確知爲賴姓而其爲賴蘋新與否尙未可知
軍事最宜質實臣不敢以無據之辭上瀆

宸聰逆目何汝彪於陣擒後服毒自盡已據陳士杰割
取首級解省並將投誠賊目李得勝等八名押
解前來除將該逆首級梟示外李得勝等八名
訊係自拔歸誠仍發交陳士杰營安置此次勦
辦巨股賊匪擒斬焚斃及解散之數約計三萬
餘人渠目均就斬擒並無漏網帶勇各員分馳
截擊頗著微勞謹先行開列懇請分別獎勵其

餘各員弁可否由臣覈保之處出自

天恩奏入

上諭內閣曰此次勦辦粵西回竄賊匪殲戮數萬渠目均就擒斬脅從解散辦理尙屬妥協知府陳士杰著以道員卽選同知魏喻義著賞戴花翎直隸州知州黃淳熙著以知府留於湖南補用副將陳品南著賞給該員父母封典其餘各員弁勇丁出力人等准略

秉章覈實保奏

略秉章又奏言臣查州縣失守定例綦嚴原以杜畏葸逃避之漸本年正月開石逆大股自江西突竄湖南各州縣相繼失守所應查辦者桂陽興甯宜章江華永明五縣郴州桂陽兩州緣該州縣於賊至時疏於偵探誤以爲另股土匪均謂團勇足資扼守迨大股狂奔壓境遂遽失

陷情形如出一轍惟桂陽州係聞警召集勇丁
登陴守禦而賊之前隊已抵城下倉卒召集之
勇丁自難當大股飄忽之劇寇雖各州縣旋經
收復城垣功過未足相抵除署郴州知州胡鏞
署桂陽州知州張濟遠已奉

旨革職查辦外應請

旨將失守之桂陽縣知縣董繼芳署桂陽營參將常明

與甯縣知縣彭嗣昌署宜章縣知縣吳清鶴署
宜章營參將鍾萬陞署江華縣知縣林周培署
永明縣知縣唐淳燦一併革職以昭儆戒臣忝
任封疆未能思患豫防咎無可辭應請

旨交部議處其調赴桂陽防堵之候補總兵劉培元補
用參將彭定太當賊竄桂陽時接仗失利咎有
應得惟劉培元經臣派帶師船赴寶慶勦賊屢

著戰功功過實足相抵現蒙

恩簡放浙江處州鎮總兵應請

旨免其議處彭定太平日打仗尙屬出力桂陽之敗委
因衆寡懸殊應請

旨暫行革職仍留軍營差遣以觀後效奏入

上諭內閣曰本年正月石逆自江西突竄湖南各州縣
猝不及防以致桂陽興甯宜章江華永明五縣郴州

桂陽兩州相繼失守雖經該地方文武隨時收復功
過未足相抵除署郴州知州胡鏞署桂陽州知州張
濟遠已革職查辦外所有失守之桂陽縣知縣董繼
芳署桂陽營參將常明興甯縣知縣彭嗣昌署宜章
縣知縣吳清鵠署宜章營參將鍾萬陞署江華縣知
縣林周培署永明縣知縣唐瀄燦著一併革職審辦
以昭儆戒總兵劉培元補用參將彭定太經該撫調

赴桂陽防堵接仗失利亦有應得之咎劉培元續赴
寶慶剿賊屢著戰功功過尙足相抵著免其議處彭
定太平日打仗尙屬出力著暫行革職仍留軍營差
遣以觀後效此次湖南勦辦賊匪尙爲迅速略秉章
自請議處之處著加恩寬免

同日張芾奏言總兵江長貴一軍於攻克郭村
夏村後派兵馳往涇縣疊將查村等處賊巢掃

蕩涇境肅清惟是嶺外賊蹤尙未遠颺雖經遊
擊鄭復宣擊退而太平之泥田嶺及涇縣之萬
級黃柏二嶺亟須嚴密設防現經總兵米興朝
知府王桐馳赴董家灣與江長貴商紮東冲泥
田嶺一路又咨會提督周天受迅飭副將榮陞
等分布萬級嶺黃柏嶺俾江長貴早移得勝之
師會合已革道員吳坤修等軍規取建德相機

聞

勦辦奏入報

二十八日癸巳曾國藩奏言楚軍分路援皖臣由

第一路循江而進卽於十月二十四日由巴河

拔營十一月初三日行抵黃梅小駐八日十三

日進駐皖省之宿松縣紮營東北門外所有蕭

啟江張運蘭二軍遵

旨均不調回臣目疾醫治尙未痊愈就現在兵力勉強

支持進剿實虞不足防守或尙可恃當遵

旨另籌一軍繞赴淮北由臣官文會奏辦理奏入報

聞